

REGULERINGSFØRESEGNER

Sakshandsaming	Dato	Sak nr	Sakshandsamar
Varsel om oppstart, 1. gong	23.05.2018		Structor/HS
Varsel om oppstart, 2. gong, utvida område	13.09.2018		Structor/HS
Reguleringsplan, Kommunestyret	04.06.2019	20/19	VK/IMH
Reguleringsplan, offentlig ettersyn			
Reguleringsplan, Formannskapet			
Reguleringsplan, vedtak i kommunestyret			

Planmaterialet består av reguleringsplankart i målestokk 1:2.000, desse reguleringsføresegnene, ei orientering om planen, ein illustrasjonsplan for Gjendeosen, og ROS-analyse.

Planområdet vert regulert til desse føremåla:

Byggje- og anleggsområde (PBL §12-5, 2. ledd, nr 1)

- Bustader (B)
- Fritidsbustader (F)
- hotell/ overnatting (H)
- anna næring (N)
- vass- og avløpsanlegg (VA)
- avløpsanlegg (AV)

Samferdselsanlegg og teknisk infrastruktur (PBL §12-5, 2. ledd, nr 2)

- køyreveg (V)
- fortau (Fo)
- anna veggrunn – grøntareal (SVG)
- kai (K)
- kollektivanlegg (KA)
- parkeringsplassar (P)
- teknisk infrastruktur/Trafo (TI)
- telekommunikasjonsnett/mast (TK)

Grønnstruktur (PBL §12-5, 2. ledd, nr 3)

- turveg/sti (Tv)

Landbruks-, natur- og friluftsområde samt reinsdrift (PBL §12-5, 2. ledd, nr 5)

- vern av kulturminne/kulturmiljø (LNFRVK)
- andre LNFR-område (LNFR)

Bruk og vern av sjø og vassdrag (PBL §12-5, 2. ledd nr 6)

- friluftsområde i sjø og vassdrag (FVV)

Omsynssoner (PBL §12-6)

- frisikt
- høgspantanlegg
- bevaring kulturmiljø (H570_)
- bandlegging etter lov om kulturminne (H730_)
- bestemmelsesområde (BEST)

1. FELLES FØRESEGNER

Det skal føreligge godkjent byggesøknad før nye anlegg eller bygg vert oppstarta. Som del av byggesøknaden skal det vere ei situasjonsplan som viser vegar og parkeringsplassar, terrenghandsaming, murar, samt plassering og utforming av bygg med takform, og materialbruk.

Det skal vere universell utforming i servicebygga på Gjendeosen og Reinsvangen, og i uteområda ved desse.

2. FØRESEGNER OM REKKEFØLGJE

Før P2 på Gjendeosen kan etablerast, skal kommunen vurdere behovet i samråd med Statens vegvesen. Kommunen skal orientere Fylkesmannen og andre partar før det blir gjeve løyve til utviding.

Nye servicebygg på Gjendeosen og Reinsvangen kan ikkje tas i drift før godkjende vatn- og avløpsløyser er på plass, og det kan ikkje gjevast byggeløyve før det ligg føre godkjent utsleppsløyve.

3. BYGGJE- OG ANLEGGSSOMRÅDE

3.1 Felles for områda

Til utvendig kledning på bygg er berre stein, betong, trepanel eller tømmer tillate. Fargebruken skal liggje i den varme delen av fargeskalaen og utan bruk av skarpe kontrastfargar.

3.2 Område for bustader (B)

Område B1, festetomt F312, er tenestebustad knytt til Gjendebåtane, dvs. knytt til næring. Her er total utnytting sett til 120 m² (BRA). Det kan ikkje byggjast slik at det reduserer allmenta si moglegheit for fri ferdsel langs vassdraget. Bygg skal plasserast slik at dei er best mogleg tilpassa terrenget. Utnyttingsgraden (BRA) skal reknast etter rettleiar frå Miljøverndepartementet / Statens byggt tekniske etat (2007) "Grad av utnytting". Utnyttingsgraden skal reknast som Bruksareal for bygg (BRA) etter Norsk Standard NS3940, jfr kap 3 i rettleiaren.

Gesimshøgde skal vera maksimalt 3,1 m over topp grunnmur. Maksimal mønehøgde er 5,5 m.

Synleg grunnmur over planert terreng skal ikkje vera over 0,8 m. Høgde på fylling kan maksimalt avvike 1m frå opphavleg terreng. Takvinkel skal vera mellom 22° og 32°. Hems kan innreiast innanfor normene i denne vedtekta utan å bli medrekna i BRA. Fri romhøgde > 1,9 m i breidde > 0,6 m skal likevel reknast med i BRA.

3.3 Område for eksisterande fritidsbustader (F)

Det er ikkje lov å byggje i 100 meter sona i høve til vassdrag.

Utnyttingsgrad (BRA) skal reknast etter rettleiar frå Miljøverndepartementet / Statens byggt tekniske etat, "Grad av utnytting", siste utgåve. Utnyttingsgrad og bygningsvolum er gitt i gjeldande kommuneplan, §9.5.2:

1. Det skal berre vere ein fritidsbustad pr. eigedom.
2. Det er tillate med tre bygg per tomt/feste. Anneks på inntil 30 m² og uthus inntil 25 m². Total utnytting pr. tomt/feste er 120 m² BRA. I tillegg til bygningsareal på 120 m² pr. tomt, kan inntil 30 m² opparbeidast til overflateparkering (2 p-plassar). Det kan ikkje byggjast på areal for parkering. Bygningar skal førast opp i ei tunløyser.
3. Mønehøgde skal ikkje overstige 5,5 meter frå gjennomsnittleg planert terrengnivå rundt bygningen. Opphavleg terreng skal ikkje bli endra meir enn 1,5 m.
4. Gesimshøgde skal ikkje vere høgare enn 3,1 meter.
5. Grunnmur skal vere maks 0,8 meter.
6. Alle bygg skal ha saltak med takvinkel mellom 22 og 32 grader.

I område 183/1 (Vågå kommune) er det lov å utføre normalt vedlikehald, men det er ikkje tillate med vesentlege utvidingar av bygningane.

3.4 Område for hotell og overnatting (H)

H1 er Gjendesheim turisthytte med omkringliggende område. BYA skal vere maksimalt 25%, dvs sum parkering og bygg. Nye bygg kan ha mønehøgde på inntil 9,0 meter og gesimshøgde på inntil 7,0 meter.

Anlegget skal kunne vedlikehaldas og justerast til ein tidsmessig standard. Innan området kan det mellom anna etablerast teltplass, ny vegtilkomst frå øst, parkering, og eit nytt bygg for tilsette på inntil 300 m² BYA.

3.5 Område for anna næring (N1)

Innan område N1 på Reinsvangen kan ein bygge tenestebustad for tilsette i verksemdar knytt til servicebygg på Gjendeosen og Gjendebåtane. Bygget kan ha BYA inntil 200 m². Maksimal mønehøgde er 7,0 meter og maksimal gesimshøgde er 5,0 meter. Bygget skal ha saltak med takvinkel mellom 22 og 32 grader, og det skal leggjast stor vekt på best mogleg tilpassing til landskapet. Vegetasjon på området skal takast vare på i den grad dette er mogleg.

3.6 Vass- og avløpsanlegg (VA og AV)

Innan område VA1 og VA2 kan det etablerast anlegg for vassforsyning og avløp, og eventuelt ein el-nettstasjon. Innan område VA3 kan det etablerast reinseanlegg for avløpsvatn. Bygg kan ha maksimal mønehøgde på 5,5 meter og skal ha saltak med takvinkel mellom 22 og 32 grader. Det skal leggjast stor vekt på best mogleg tilpassing til landskapet.

Område AV er eksisterande infiltrasjonsanlegg knytt til Gjendesheim. Området AV kan nyttast for infiltrasjon i samsvar med godkjent utsleppsløyve.

4. SAMFERDSELSANLEGG OG TEKNISK INFRASTRUKTUR

4.1 Kjørevegar, fortau og anna veggrunn

Her inngår vegar, fortau, parkeringsplassar og plassar for bussoppstilling på Gjendeosen. Desse skal være offentlege trafikkareal, dersom ikkje anna er sagt særskilt.

Bussoppstillingsplassar på Gjendeosen skal berre nyttas for kortare opphald ved av- og påstiging.

Veg 1 er fylkesvegen frå Reinsvangen til Gjendeosen. Veg 2 er privat veg til Gjendesheim. Vågå kommune har rett til å bruke desse ved kjøring til/frå kommunale anlegg VA1-VA2.

Det er i planen vist forslag til avkøyningar frå fylkesvegen til parkeringsplass og bussparkering på Reinsvangen. Tal på avkøyrslar og endeleg plassering blir tilpassa i vidare detaljplanlegging.

4.2 Kai (K)

Område K1 er kaianlegg knytt til drift av rutebåten på Gjende. K1 vert regulert for offentlege formål. Lagerbygg kan ha ein BYA på inntil 200 m², med største gesimshøgde 3 meter og mønehøgde på inntil 5 meter.

Område K2 nyttast til opplag for Gjendebåtane og materiell i samband med dette.
Område K3 nyttast som opplag for flåte i samband med fedrifta i Storådalen i Lom.

4.3 Kollektivanlegg (KA)

KA1-KA2 vert regulert for offentlege formål.

Kollektivanlegg KA1 på Gjendeosen skal nyttast til bygging av nytt servicebygg med tilhøyrande funksjonar og uteareal. Det skal haldast ein høg estetisk standard på bygg og uteareal innan området. Servicebygget kan ha ein BYA på inntil 500 m², ei gesimshøgde på inntil 5,0m og mønehøgde på inntil 7,0m. Ved utbygging i området skal ein legge til rette til rette for opphald og fri ferdsel i strandsona.

Kollektivanlegg KA2 er areal for bussoppstilling på Reinsvangen. Innan området kan etablerast eit servicebygg i samsvar med skisser som inngår i planmaterialet. Servicebygget kan ha ein BYA på inntil 200m². Største tillate gesimshøgde er 5m og største mønehøgde 7m.

4.4 Parkeringsplassar (P)

Parkeringsplassane P1-P2-P3-P4 vert regulert for offentlege formål.

P1 er parkeringsplass på Gjendeosen, regulert for inntil 57 P-plassar, derav 4 HC-plassar. I tillegg vert regulert plass P2 for ei mogleg framtidig auke med inntil 16 plassar. P3 og P4 er eksisterande parkeringsplassar på Reinsvangen.

Innan P1 er det 33 reserverte plassar. Desse plassane er disponert slik:

- | | |
|--|------------|
| • Gjendebu turisthytte | 3 plassar |
| • Memurubu Turisthytte | 4 plassar |
| • Fjellstyret/fjelloppsynet og Gjendeosbue | 3 plassar |
| • Gjendebåtane | 2 plassar |
| • Vågå kommune | 1 plass |
| • Tilsette i servicebygget | 6 plassar |
| • For personar med bruksrettar | 14 plassar |

4.5 Teknisk infrastruktur (TI)

Ved parkeringsplassen på Gjendeosen er det etablert ein trafostasjon for strømforsyning til området.

4.6 Telekommunikasjonsnett (TK)

Innan område TK i lia øst for Gjendesheim er det oppretta eit sendepunkt for breiband. Sendepunktet gir internetttilgang til Gjendesheim og Memurubu, og er ein del av Eidsiva breiband sitt nett.

5. GRØNTSTRUKTUR

Dette gjeld bru over Sjoa og dei viktigaste turstigane i området.

Det er ein føresetnad at stigane ved bygging vert tilpassa terrenget på ein best mogleg måte, og det vert opna for mindre avvik frå dei viste traséane for å oppnå dette.

I stig mellom Reinsvangen og Gjendeosen, og mellom Gjendeosen og ny bru, kan det skje ei enkel opparbeiding. Turstigar kan her opparbeidast ved lettare inngrep i marka og utlegging av slitelagsmasse inntil 10 cm for tilrettelegging. Det kan i våte områder leggjast ut klopper eller eigne vandringar av tre.

Dei andre turstigane, som er enkle, naturlege stigar i terrenget, bør ikkje opparbeidast ytterlegare.

6. LANDBRUKS-, NATUR- OG FRILUFTSFORMÅL

6.1 Vern av kulturminne/kulturmiljø (pbl § 12-5 nr 5)

I området som er regulert til vern av kulturminne/kulturmiljø etter § 12-5 nr. 5, ligg dei automatisk freda kulturminna id 87721, id 87717 og id 129105. Formålet med verneområdet er å sikre eit heilskapleg kulturmiljø omkring kulturminna.

6.2 Andre LNFR-område

Dette er areal innan planområdet som ikkje er vist med anna formål.

Eksisterande vegar til fritidsbustader i området kan nyttast som kjøretilkomst med den standarden som vegen har i dag. Standardheving er ikkje tillate.

Festetomt F 676 (Vågå tamreinlag) skal nyttast i samband med utøving av reindriftsnæring. Bua skal ikkje utvidast, men alminneleg vedlikehald kan skje.

Bygg på festetomt 975 (Gjendebue, Vågå fjellstyre) kan ikkje utvidast. Alminneleg vedlikehald kan utførast.

7. BRUK OG VERN AV SJØ OG VASSDRAG, MED TILHØYRANDE STRANDSONE

Dette gjeld deler av Gjende, Gjendeosen og Sjoavassdraget med utløp frå Gjende, som er verna gjennom Stortinget sitt vedtak i Verneplan I-IV for vassdrag.

8. OMSYNSSONER (PBL § 12-6)

8.1 Frisiktsoner

Innanfor frisiktsonene skal det ikkje vera sikthinder høgare enn 0,5 meter over nærmaste kjørebane. Frisiktsoner i samband med fylkesvegkrysset øst for Reinsvangen er vist på planen. Her er frisiktsona 85 meter langs hovudvegen mot Valdresflye og 10 meter langs vegen mot Gjendeosen.

Frisiktsoner i samband med avkjøringar frå fylkesvegen er ikkje vist i planen. I avkjøringar går frisiktsona 60 meter langs fylkesvegen og 4 meter inn i avkjøringa, målt frå vegkant i fylkesvegen.

8.2 Høgspenningsanlegg/faresone

Dette gjeld høgspenninger (sone 370_1).

8.3 Bevaring kulturminne/kulturmiljø (pbl § 12-6 jfr § 11-8 nr c)

Sone H570_1 gjeld bevaring av kulturmiljø rundt Jo Gjende-bue, Klonesbue o.a. Innafor området skal det ikkje skje byggje- eller anleggstiltak. Dette gjeld og veggfast inventar i Jo Gjende-bue. Tiltak utover vanleg vedlikehald skal sendast til kulturstyresmakten i Oppland fylkeskommune for uttale. Innan H570_1 er det teltforbod. Området kan ikkje nyttast til aktivitet som utfordrar verdiane knytt til kulturmiljøet med omgjevnader. Dette omfattar også aktivitet som inneber terrengslitasje som ikkje er berekraftig.

Sone H570_2 gjeld eit amfi frå andre verdskrig, id 135898. Omsynssona skal ivareta kulturminnet med næraste omgjevnader. Innan sona bør det ikkje gjennomførast tiltak som endrar anlegget si form eller uttrykk i vesentleg grad.

8.4 Bandlegging etter lov om kulturminne (pbl § 12-6 jfr § 11-8 nr d)

I sone H730_1 ligger steinalderlokalitet id 87721 som er avmerka på plankartet.

I sone H730_2 ligger gravminne id 87717 som er avmerka på plankartet.

I sone H730_3 ligger to kullgroper id 129105 som er avmerka på plankartet. I tillegg ligg det kulturminne frå 2.verdskrig innanfor sona, i form av stallar for muldyr.

Dei tre lokalitetane id 87721, id 87717 og id 129105 er automatisk freda etter lov om kulturminne §§ 4a, 4b, 4j, 6 og 8. Alle tiltak innan omsynssonene skal leggjast fram for kulturminnestyresmakta i Oppland fylkeskommune for godkjenning.

8.5 Bestemmelsesområde (#BEST)

8.5.1 Bestemmelsesområde 1 – eksisterande sti/leidningstrasé mellom Gjendesheim og reinseanlegg (AV)

Innanfor området kan naudsynt vedlikehald av VA-leidning utførast, etter godkjenning frå Vågå kommune.

8.5.2 Bestemmelsesområde 2 – ny bru over Sjoa

Det kan innafor bestemmelsesområdet byggast ei enkel gangbru for friluftslivet. Endeleg plassering og utforming av ny bru og sti er ikkje fastlagt, det kan gjerast justeringar av desse for å oppnå ei best mogleg totalløysing. Innan det avmerka område er det difor førebels usikre grenser mellom dei enkelte føremål.

Før det blir bygd ny bru over Sjoa som vist i planen, skal det som minimum gjennomførast vurdering av:

- a) alternative bruløysingar
- b) landskapsmessige konsekvensar
- c) konsekvensar knytt til eventuelle inngrep i elveløpet, mellom anna mogleg fare for flom (jfr TEK10 § 7-2) og endringar i straum- og erosjonsforhold, og moglege negative konsekvensar for det biologiske mangfaldet.

Søknad om oppføring av bru skal sendast aktuelle regionale styresmakter og lokale høyringspartar for uttale. Endeleg bruplassering skal godkjennast av Vågå kommune.